



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2022. godine

Na osnovu člana 26. stav (1) tačka 2. i člana 74. stav (1) Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na __. sjednici održanoj dana __. __. 2022. godine, primilo je k znanju

Informaciju o potpisivanju Sporazuma o uspostavljanju prijateljskih odnosa između gradova – Kijev, Ukrajina, i Sarajevo, Bosna i Hercegovina

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O POTPISIVANJU SPORAZUMA O USPOSTAVLJANJU PRIJATELJSKIH ODNOSA
IZMEĐU GRADOVA – KIJEV, UKRAJINA, I SARAJEVO, BOSNA I HERCEGOVINA

Predlagač: Gradonačelnica
Obrađivač: Stručna služba za
protokolarne poslove, odnose s
javnošću i međunarodnu saradnju

Sarajevo, decembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija
o potpisivanju Sporazuma o uspostavljanju prijateljskih odnosa između gradova
Kijev, Ukrajina, i Sarajevo, Bosna i Hercegovina

Na poziv gradonačelnika ukrajinske prijestolnice, gradonačelnica Sarajeva Benjamina Karić sudjelovala je na 7. Kijev Investment Forumu koji je u organizaciji gradonačelnika Kijeva i Brisela, Vitalija Klitschka i Philippe Closea, održan 28. novembra 2022. godine, u Gradskoj vijećnici Brisela, pobratimskog grada Kijeva.

7. Kijev Investment Forum bio je posvećen izazovima s kojima se Kijev trenutačno suočava, kao i o njegovom poslijeratnom oporavku unutar tri ključna područja: otpornosti, inovativnosti i održivosti, o čemu su diskutovali najviši dužnosnici evropske i ukrajinske vlade, te najistaknutiji predstavnici javnog i privatnog sektora.

Gradonačelnica Grada Sarajeva Benjamina Karić imala je zapaženo izlaganje u okviru prve panel diskusije pod nazivom „Budućnost urbane izdržljivosti“.

U skladu sa programom Forumu, na inicijativu Grada Kijeva, bilo je planirano potpisivanje sporazuma o uspostavljanju prijateljskih odnosa sa gradovima učesnicima Forumu, nakon završetka prve panel diskusije „Budućnost urbane izdržljivosti“.

Grad Sarajevo je došao u posjed nacrtu „Sporazuma o uspostavljanju prijateljskih odnosa između gradova Kijev, Ukrajina, i Sarajevo, Bosna i Hercegovina“, 26. novembra 2022. godine kada je gradonačelnica Sarajeva već bila na putu prema Briselu.

Sporazum o uspostavljanju prijateljskih odnosa između gradova Kijev i Sarajevo potpisali su gradonačelnica Grada Sarajeva Benjamina Karić i prvi zamjenik načelnika kijevske gradske državne uprave Mykola Povorznyk, u Briselu 28. novembra 2022. godine.

Sporazumom, koji se sastoji od šest članova, ističe se da na osnovu prijateljskih odnosa, gradovi Kijev i Sarajevo žele razvijati plodnu saradnju u širokom spektru ekonomskih, kulturnih, turističkih, obrazovnih i drugih oblasti od obostrane koristi i prosperiteta. U cilju unaprjeđenja razumijevanja i prijateljske saradnje između dva grada, Grad Kijev i Grad Sarajevo dogovorili su uspostavljanje prijateljskih odnosa.

U Članu 1. stoji da gradovi Kijev i Sarajevo zajedno zastupaju evropske vrijednosti demokratije, slobode i vladavine prava. Dva grada su posvećena ljudskim pravima i principima međunarodnog prava i promoviraju miran suživot u Evropi.

U Članu 2. se navodi da će se u skladu sa zakonima dvaju gradova i država, na principima ravnopravnosti i uzajamne koristi, uspostaviti prijateljski odnosi između dva grada i jačati saradnja u različitim oblastima.

U Članu 3. se ističe da su se u skladu sa principima ravnopravnosti i reciprociteta, dva grada dogovorila da će ojačati saradnju i razmijenu iskustava u oblastima uređenja javnih prostora, infrastrukturnih projekata, novih tehnologija, nauke i kulture, turizma i drugim oblastima kako bi podržali prosperitet i razvoj oba grada.

Član 4. kaže da će dva grada nastojati da pružaju međusobno podršku u kriznim situacijama pružanjem humanitarne pomoći, političke i ekonomske podrške.

Članom 5. dva grada se slažu da će uredi za međunarodne odnose dva grada djelovati kao spona između dva grada. Dva grada će održavati redovne kontakte, zajedničke projekte i aktivnosti u navedenim oblastima.

Na kraju, Članom 6. zaključuje se da ovaj Ugovor ne utiče na odnose Sarajeva i Kijeva s drugim gradovima i ne daje posebne ili privilegirane pravne statute ni prava niti jednoj strani.

Potpisivanje „Sporazuma o uspostavljanju prijateljskih odnosa između gradova Kijev, Ukrajina, i Sarajevo, Bosna i Hercegovina“, predstavlja veliki iskorak u razvoju bilateralnih odnosa dva grada.

Pored Grada Sarajeva, sporazum o uspostavljanju prijateljskih odnosa potpisali su i predstavnici drugih evropskih gradova koji su sudjelovali u 7. Kijev Investment Forumu, među kojima su Brisel, Pariz, Helsinki i Rim.